

**Uunga siunnersuut: Siusinaartumik pensionisiat pillugit Inatsisartut inatsisaata
allanngortinneqarneranik Inatsisartut inatsisaat nr. xx, xx. xxx. 2018-imeersoq.
(Oqaatsitigut naqqiutit)**

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

pillugu

Ilaqutariinnermut Peqqissutsimullu Ataatsimiititaliap

siunnersuutip pingajussaaneerpeqarneranut

ILASSUTITUT ISUMALIUTISSIISSUTAA

Ataatsimiititaliap sularinninnermini makku ilaasortarai:

Inatsisartunut ilaasortaq Laura Táunâjik, Siumut, siulittaasoq
Inatsisartunut ilaasortaq Stine Egede, Inuit Ataqtigiit, siulittaasup tullia
Inatsisartunut ilaasortaq Jess Svane, Siumut
Inatsisartunut ilaasortaq Aqqaluk Heilmann, Atassut
Inatsisartunut ilaasortaq Malene Vahl Rasmussen, Demokraatit
Inatsisartunut ilaasortaq Mikivsuk Thomassen, Inuit Ataqtigiit
Inatsisartunut ilaasortaq Sara Olsvig, Inuit Ataqtigiit

UKA 2018-imi ulloq 30. oktober 2018-imi aappassaaneerinninnerup kingorna ataatsimiititaliap siunnersuut sukumiisumik misissorpaa.

Siunnersuutip Inatsisartunit aappassaaneerpeqarnera

Siunnersuutip aappassaaneerpeqarnerani inatsisissatut siunnersutip kalaallisuaa danskisuaalu suli imminnut naapertuutinnngitsut Partii Naleqqap saqqummiuppaa. Siunnersuummi § 29, imm. 2 immikkut innersuunneqarpoq.

Siunnersuummi § 29, imm. 2 danskisuaani ima allassimavoq, at *der kan ikke ydes engangshjælp til rejse uden for Grønland.*

Siunnersuutip § 29, imm. 2-ani aalajangersakkap kalaallisuut danskisullu allanneqarsimaneri assigiinngitsut Partii Naleqqap oqaatigaa, tamannalu siunnersuummik nutaamik suliaqaqqinnissamik kinguneqarpoq, taamaaliornikkut ajornartorsiutigineqartoq aaqiivigineqarsinnaaqqullugu.

Partii Naleraq saqqummiussinera pillugu taperserpeqarpoq, taamaalilluni siunnersuut Ilaqutariinnermut Peqqissutsimullu Ataatsimiititaliami nutaamik suliareqqinneqartussanngorlugu innersuunneqarluni.

Ataatsimiititaliap siunnersuummik suliaqarnera

Inatsisartunut ilaasortat siunnersuummi oqaatsit atorneqartut naapertuutinnginnerat pillugu eqqumasimanerannut ataatsimiititaliamit qujaffigineqarput. Siunnersuutit tamarmik inatsisartuni oqaluuserineqartussat pisariaqartumik pitsaassusaasa qulakkeerpeqartarnissaat Naalakkersuisunut immikkut pisussaaffiliivoq.

Taamatutaaq Inatsisartut, taakkulu ataatsimiititaliaat ilaasortallu siunnersuutiniq suliaqarnermut atatillugu ingerlaavartumik pitsaassuseqarnissaat qulakkiigassaraat. Siunnersuummik matuminnga suliaqarnermi Partii Naleraq pimoorussilluni sulineranut immikkut qutsavigisariaqarpoq.

Siunnersuummi § 29, imm. 2-mi aalajangersakkamik suliaqaqqaarnermi ersersinniarneqarpoq aalajangersakkap siunertarimmagu siusinaartumik pensionisiallit Danmarkimut nunanulluunniit allanut angalanernut inuttut tapiissutinik tunineqarnissaat tunngavissaqanngitsoq, taamaattoq tunngavissaqartillugu taamaallaat Kalaallit Nunaanni angalanernut tapiisoqarsinnaalluni.

Taamaalilluni siunnersuummut § 29, imm. 2-p danskisuuata suliareqqaarneqarnera oqaasertaalu ataqatigiippat.

Aappassaaneerinermi saqqummiussinerup kingunerisaanik siunnersuutip § 29, imm. 2-a danskisuuata kalaallisuuatalu oqaasertaasa ataqatigiinnerat ataatsimiititaliamit misissoqqissaarneqarpoq. Siunnersuutip kalaallisua suli pisariaqartinneqartumik ersarinngitsoq ataatsimiititaliamit maluginiarneqarpoq.

Siunnersuummi § 29, imm. 2-p kalaallisut qanoq oqaasertalerneqassanersoq ataatsimiititaliamit sukumiisumik nalilersorneqarpoq, taamaaliornikkut aalajangersakkap danskisuuani kalaallisuanilu oqaasertaliunneqartut assigiinnissaat qulakkeerpeqassalluni.

§ 29, imm. 2-p aallaavittut oqaasertamigut ima allanneqarsinnaavoq: **”Kalaallit Nunaata avataanut angalanerit ataasiartumik ikiorsiissutitut tunniunneqarsinnaanngillat.”**


§ 29, imm. 2-p danskisuuanut naapertuuttunngortinneqarnissaa siunertaralugu § 29, imm. 2-p kalaallisuuata oqaasertaanut iluarsiissutissamik suliamik ilisimasallit siunnersuusiornissaat siunertaralugu ataatsimiititaliamit Naalakkersuisoqarfimmut ingerlateqqinneqarpoq.

Matumuuna pingajussaaneerinissamut allannguutissatut siunnersuutip naapertuuttunngortinneqarnissaa pillugu ataatsimiititaliap Naalakkersuisut qinnuigissavai.


Ataatsimiititaliap inassuteqaataa

Tamanna tunngavigalugu oqaatsigit iluarsisooqarnissaanik ataatsimiititaliamit qinnutigineqartumut naapertuuttumik allannguutissatut siunnersuummik Naalakkersuisut saqqummiussereerpata siunnersuut iluserilikkamisut iluseqartillugu Inatsisartunit akuerineqassasoq ataatsimiititaliamit isumaqatigiittumit inassutigineqarpoq.


Taama oqaaseqarluni isumaliutissiisummilu oqaatigineqartunut paasinnilluni siunnersuut ataatsimiititaliap inaarutaasumik pingajussaaniigassanngortippaa.




Stine Egede
Siulittaasup tullia




Laura Táunâjik
Siulittaasoq




Jess Svane




Aqqaluk Heilmann



Malene Vahl Rasmussen



Mikivsuk Thomassen



Sara Olsvig